



Pretnes garaža prethodno uhapšenih u Tuzli / MIREN ALJIĆ



Enver Bijedić tvrdi da je riječ o političkom progonu

I policajac upleten u slučaj Rudnik

Sedma osoba je jučer privedena u predmetu Rudnik soli Tuzla, u kojem Tužilaštvo TK-a istražuje odgovornost Envera Bijedića i drugih u namještanju tendera od 5,5 miliona KM

Prema nalogu Tužilaštva Tuzlanskog kantona, a po naredbi Općinskog suda Gračanica, jučer je, u okviru istrage koja se vodi u slučaju Rudnik soli Tuzla, priveden pripadnik Policijske uprave Gračanica Enes Bešić. Kako je saopšteno iz Tužilaštva, on se sumnjiči da je počinio krivično djelo primanje nagrade ili drugog oblika koristi za trgovinu uticajem u slučaju u kojem je gračanička firma Minning & Drilling po javnom tenderu dobila posao vrijedan 5,5 miliona KM.

Protiv Enesa Bešića, pripadnika PU Gračanica, otvorena je istraga. On je osumnjičen je da je počinio krivično djelo primanje nagrade ili drugog oblika koristi za trgovinu uticajem, odnosno da je koristeći svoj službeni položaj, s ciljem da pogoduje firmi Minning & Drilling iz Gračanice, u više navrata posredovao i tražio da se donese odluka o raspisivanju drugog kruga izbora za najpovoljnijeg ponuđača za izvođenje istražno-eksploatacionih bušotina u Rudniku soli, jer u prvom krugu

ova firma nije imala najpovoljniju ponudu i nije mogla biti izabrana, kazao je Admir Arnautović, portparol Tužilaštva.

Jučer je, po nalogu ovog tužilaštva, **Državna agencija za istrage i zaštitu (SIPA)** pretresla porodičnu kuću Bešića, tražeći inkriminirajuće dokaze protiv njega, nakon čega je ispitan u prostorijama **SIPA** u Tuzli.

Podsjećamo, Tužilaštvo je u slučaju Rudnik soli ranije privedelo šest osoba, među kojima su bivši

Tužilaštvo je zatražilo od Općinskog suda Tuzla i da se Enveru Bijediću, kao navodnom organizatoru, oduzme pravo obavljanja dužnosti državnog zastupnika

direktori Rudnika soli Aziz Čačković i Amir Sušić, Dženan Mujkić i Atif Mujkić iz gračaničke firme Minning & Drilling, Amer Tursinović, te predsjednik Socijaldemokrate Enver Bijedić. Oni se sumnjiče da su naštimali javni tender u kojem je ova gračanička firma dobila posao vrijedan 5,5 miliona KM, iako, prema nalazima Tužilaštva, nije imala ni reference ni opremu ni dovoljan broj zaposlenih.

Treba reći i to da nijedan od ovih uslova nije bio uslov javnog poziva za dobijanje posla, kao i to da je Tužilaštvo prisluškivalo i razgovore velikog broja drugih osoba, isključivo članova stranke Socijaldemokrate, zbog čega iz ove stranke poručuju da se radi o političkom progonu ljudi koji su napustili SDP i u Tuzli osnovali vlastitu stranku. Socijaldemokrate BiH su zatražile i da se iz postupka izuzme postupajući tužilac Čazim Serhatlić, za kojeg tvrde da radi u interesu gradskog SDP-a, odnosno Gradske uprave, čiji je nekada bio zaposlenik. **MIREN ALJIĆ**